



Broj: 01/24-02-2178/24
Datum: 22.10.2024. godine

PREDSTAVNIČKOM DOMU
PARLAMENTA FEDERACIJE BIH



Odbor za poljoprivredu, vodoprivredu i šumarstvo Predstavničkog doma Parlamenta Federacije BiH (u daljnjem tekstu: Odbor) na 13. sjednici, održanoj 22.10.2024. godine, razmatrao je sljedeći dnevni red:

1. Usvajanje zapisnika sa 12. sjednice Odbora,
2. Prijedlog Zakona o izmjenama i dopuni zakona o slatkovodnom ribarstvu- skraćeni postupak,
3. Tekuća pitanja.

Na osnovu člana 44. a u vezi sa članom 79. Poslovnika Predstavničkog doma Parlamenta Federacije Bosne i Hercegovine, Odbor Predstavničkom domu podnosi sljedeći:

IZVJEŠTAJ

Ad-1. Usvajanje zapisnika sa 12. sjednice Odbora

Zapisnik sa 12. sjednice Odbora, jednoglasno je usvojen bez primjedbi.

Ad-2. Prijedlog Zakona o izmjenama i dopuni zakona o slatkovodnom ribarstvu- skraćeni postupak

Uvodne napomene dao je predsjednik Odbora. Članovima Odbora obratio se Federalni ministar poljoprivrede, vodoprivrede i šumarstva Kemal Hrnjić, zahvalio se članovima Odbora na podršci prilikom usvajanja Strategije o poljoprivredi Federacije BiH, te naglasio da Strategija već daje vidljive i očekivane rezultate. Pozvao je članove Odbora da posjete Federalno ministarstvo poljoprivrede, vodoprivrede i šumarstva kako bi im predstavili ono što će Ministarstvo raditi u narednom periodu. Detaljno obrazloženje i razloge za donošenje Izmjena i dopune Zakona o slatkovodnom ribarstvu dao je pomoćnik ministra, Beško Alibegović. Nakon zaključene diskusije, jednoglasno je usvojen sljedeći:

ZAKLJUČAK

Odbor za poljoprivredu, vodoprivredu i šumarstvo jednoglasno podržava usvajanje Prijedloga Zakona o izmjenama i dopuni zakona o slatkovodnom ribarstvu koji je upućen u skraćenoj proceduri, te predlaže Predstavničkom domu njegovo usvajanje.

Ad-3. Tekuća pitanja

Za diskusiju o ovoj tački dnevnog reda nije bilo prijavljenih.

U skladu sa članom 53. Poslovnika Predstavničkog doma za izvjestioca je određen Sandi Salkić, predsjednik Odbora.

PREDSJEDNIK ODBORA

Sandi Salkić

